



ILUANNI TUHAQTITTINIQ IHUINNARUTINIK

NAUNAIRUT

1. Hamna maliktakhaq naunaiyaidjutit atuqtakhanik tuhaqtittiniq ihuinnarutauhimayunik kavamatkuni havaktiuyunut tuniyauhimayuq talvani Ilangani 6 umani *Kavamatkuni Havaktiuyunut Maligaq* (PSA).

NAUNAITKUTIT

2. Tuhaqtittiniq kangikhidjutikhanik pivikhaqaqtut naunaikhitikhanik kavamatkuni havaktit atannguyanut naunaiktauyarikhimayut umani maliktakhami.
3. Kavamatkuni Havaktiuyut ilauyut tamaita havaktiit ukuat Kavamangat Nunavut (GN) ilauyutlu havaktiit ukuat kavamatkut katimayiit naunaiyarikhimayut talvani Schedule A umani PSA.
4. Angayukhik Atannguyaq tukiqaqtuq havakti havaqaqtuq munaqhipluni amihunik maniqautikhanik atuqtakhanik, hulidjutaikhaniklu havaktiniklu, ukuallu, havakti kiudjutiqaqtukhaq atannguyamut tuklia atannguyap, tukiqaqtuq tuklia atannguyap. Hamna tukiqaqtuq imatut Angayukhik Atannguyaq havaqaqtuq Aulapkaiyiupluni havakhami qulvautqianillu.
5. Qanuqtut ihuinarutait ilauyut qanuriliuqqat, ihirariyuq uvaluunniit taimmaaktitinahuakhimayuq, atpatqiyanut havakhaniktitinahuaktuq, taimmaaktitiyuq, aannittiyuq, taimmaaktithimayuq hivituniqaqtumik, ikhihariyuq, akhuuktaupluni ikhihaaktauyuq, anipkaiyuq, taimmaaktitiyuq kantraariyanik inuk qanuriliuhimaitkalluaqtitlugu, pivallialutik maligakkut huliyaudjutikhanik inmingnut, akiliqhipkainikkut uvaluunniit akiliqtakhamik ahiagutluunniit inungmut ihuinnarutanut tuhaqtittiniq ihuinnarutinik inuupluunnit ikayutanik ihivriukhidjutikhanut ihuinnarutanut tuhaqtittiniq atlamic inungmit.
6. Ihuinnarutinik ilauttaaktut hapkuninga qanuriliurutainik kavamatkuni havaktinit:
 - a. ihuirutigiplugit Maligat umani Maligaliurviptingni, Kanataup Katimavikyuangani maligaliurviani avikturnip ukiuqtaqtumi avikturnip, uvaluunniit maliruagakhait havaktauhimayuq atani Maligap;
 - b. maliqatingitkumik maliktakhalliuqhimaqinik Ministap, Minista munaqhiyuq Kiinauyaliqinirmut Munariniq Maligat, ukualluunniit Kiinauyaliqinirmut Munaqhiyit Katimayiit pittiaktakhanut munaqhidjutikhainut Kavamatkuni Havaktiuyunut inungnut piqutikhanik havaktip munariyakhainik;
 - c. ihuittumik atuqtauniit kavamatkut maniinik kavamatkutlu piqutainik;



- d. akhuuraluk iihuittumik qanuriliurutainik kavamatkut piqtainik tamayainiklu havaktip munariyainik, ilauytlu Maligat ihuinaarutimingnunluuniit qanuqtuinnaq uvalluunniit quyanginautainik piqtiaxinik munaqhidjutainik kavamatkut piqtainik tamayainikluunniit;
- e. ikhiharinikkut uqamilungnikkutlu timaagut aanniqtiqtauniq inungmik ahianik havaktimik ihuinarutainik inungmut uvaluunniit kantraqautiminut inuup piyunnautait havaakhanik piqaqtinikkut tuniyaudjutaitluunniit piqautikhanik tuhaqtakhanik piqautikhanut quyanginaq havagvingnit kavamatkungnitluunniit timiquatauyunit;
- f. ukuat Maligat ihuinaarutimingnunluuniit akhuuraluk ayukhautauyumik inuuhirmut, aanniaqnaktumiklu qauyangnaqtuniklu inungnut uvaluunniit inuup tamayainut piqtainut, nunamutlu avatimut, qayangnaqtut ilagiiktunut piqtauvaktunik havaariyaminik umani havaariyakhamingnik munariyakhainik havaktip;
- g. akhuukpiak ihuinarutauhimayunik Ijjuhikhaq Pittiarahuarnirmut Ukpriyamingnul;
- h. quyanginnaq nallianik Maligat anutlaqtiutikhanik havaktip uvaluunniit allap inuup; uvaluunniit
- i. tukhiutit, hivuniurutikhanik atannguyamit angayuqanguyumit atannguyaanit havaktip havaktimitluunniit allamit inungmit ihuinnarutauyut titiraqtauhimayut titiqani(a)-mit (h)-mut".

ATUQTAUYUKHAT

- 7. Hamna maliktakhaq atuqtauyukhaq tamainit GN-kuni kavamatkuni havaktinut.

HAVAUTIKHAT

- 8. Tuhaqtittit ihuinnarutainik GN Kavamatkuni Havaktiuyut titiraqtauhimayukhat naunaitkutikhaniklu piqaqtukhat tukhiutinik ilaliutihimayunik Appendix A. Inuk uqaqtukhaq inikhilimaitkumi unniutikhainut titiraqtakhamik, inuk tiniyauyuq unniutikhainut iniqtigriyukhaq unniutikhainut titiraqtakhamik naunaitkutikhanik tunihidjutikhamik.
- 9. Kavamatkuni havakti tunihiyukhauyuq tuhaqtittiniq ihuinnarutinik Kavamatkuni havakti tunihiyukhauyuqat auhirmutluunniit amigaitqiyanutlu hapkununga inungnut:
 - a. Havaktip Angayukhik Atannguyanut;
 - b. Havaktip Tuklia Atannguyanut;
 - c. Tuklia Minista havagviani munaqhiyuq PSA-kunik unalu/uvaluunniit
 - d. Allanut Tuklianut Minista havaktip ihuariyaminut qanuriliurutinik.



10. Angayukhik Atannguyaq tuklianut atannguyap tuyuqtauvaktuq tuhaqtittiniq ihuinnarutinik tuyuhaktukhauyuq unniutidjutanik Aulapkaiyiat Havaktit Havaktiat Tiliuqtialuniit unalu Havariyainik Naunaiqhainiq.
11. Aulapkaiyiat Havaktit Havaktiat Tiliuqtialuniit unalu Havariyainik Naunaiqhainiq pipkainiaqtut iluanni naunaiyaudjutikhnik malrungnik ublungnik naatpanik tuyuqtaulraaktitlugu hamna tuhaqtittiniq ihuinnarutinik tikkuakhilutik naunaiyauyikhamik.
12. Hivuagut unniudjutikhnik umani iluanni naunaiyauyikhamik tunihiyariaqaqtuq Aulapkaiyiat Havaktit Havaktiat Tiliuqtialuniit unalu Havariyainik Naunaiqhainiq Tuklianut Minista umani havagviuyup munaqhiyumiik PSA-nik tikitinnagit 14 ublut tuyuqtaudjutanit umani tuhaqtittiniq ihuinnarutinik.
13. Tikitinnagit 30 ublut umani hivullipaamik tuyuqtauyiukhaq tuhaqtittiniq ihuinnarutinik, Tuklia Minista munaqhiyumiik PSA-nik will tuhaqtinniaktaa kavamatkuni havakti piliuqtuq tuhaqtittiniq ihuinnarutinik umani qanuriliurutikhnik piyauniaqtut GN-kunit.
14. Angayukhik Atannguyaq unniqtukhauyut atannguyaminut tuklianutlu ministap tuniyaudjutainik tuhaqtittiniq ihuinnarutit qanuriliuqtiniklu ihuaqhautikhnik tuhaqtittiniq.
15. Kangiqqata 30 ublut tuhaqtittinirnit titiraqhimagumi section 8, kavamatkuni havakti ihuaruhungitkumi naunaiyautikhnik ihuaqhautikhniklu tuhaqtittiniq, kavamatkuni havakti pillayuq imatut tuhaqtittiniq ihuinnarutauhimayunik inungmut nallianutluunniit hapkuat inungnik:
 - a. Havaktip Tuklia Atannguyanut;
 - b. Tuklia Minista umani havagviuyup munaqhiyumiik PSA;
 - c. Allanutlu Tuklia Ministap havaktip ihuariyaminut qanuriliurutinik;
 - d. Pittiarahuarnirmut Havakti; unalu/uvaluunniit
 - e. Pallihimaq uvaluunniit maligliqiyit havakviit pittiarahuuaqtukhat ihuinnarutauhimayunut havariyamingni naunaiyautikhnut.
16. Atuqtakhaliukhimagalluaktitlugit unniutikhnik turrangayunik umani maliktakhami, pikpat kavamatkuni havakti ukpirrigumi aanniqtaunahuariaminik inuuhirminut, inuuhiringnirminutlu, qayakkutigumillu inminut ingirlutiminutluunniit, avatiminutlu,, una kavamatkuni havakti uqainnariaqaqtuq tuhaqtittiniq ihuinnarutauhimayunik talvunga Pittiarahuarnirmut Havakti ahinutluunniit havaktimut.
17. Atuqtakhaliukhimagalluaktitlugit unniutikhnik turrangayunik umani maliktakhami, tamna kavamatkuni havakti ukpirruhukumi ihuinnaaktauhimayaminik Maligat



anutlaqtutikhanik, ihuiguhutiniminik uqainnariaqaqtuq Pittiarahuarnirmut
Havaktimut tunihittaaktut naunaihitikhanik tukhiutinik ilaliutilugit Appendix A.

18. Tuklia ministap pitquyauyuq titiraquyauhimayuq tuhaqtittiniq ihuinnarutinik tuyuqtaugumi kavamatkuni havakti Tuklianut Ministap munakhiyumik PSA qilamiukluni tuyuqtaugumi umani tuhaqtittiniq.
19. Tamna Tuklia Ministap munakhiyumik PSA titiraquyauhimayuq tuhaqtittiniq ihuinnarutinik Pittiarahuarnirmut Havaktianut qilamiukluni tuyuqtaugumi umani tuhaqtittiniq.
20. Tamna Pittiarahuarnirmut Havakti hailiyuq qakugu tuyuqtauyangani naunaitkutikhanik uqaudjiyukhamiklu ihuinnarutauhimayunut anuqlaqtirhimaittumik.

ATANNGUYAUYUT

21. *Kavamatkuni Havaktiuyunut Maligaq*, Ilangani 6
22. *Havaktuliriyikkut Manual*

UQAQVIKHATIT

23. Aulapkaiyat Havaktit Havaktiat Tiliuqtialuniit unalu Havariyainik Naunaiqhainiq Kiinauyaliqiyikkut Iqaluit, NU (867) 975-6211

Add link to Ethics website.